



祭行人王鶴朋文

維 萬曆四十一年歲次癸丑四月己丑朔  
三日辛卯



欽差協理糧儲監督鹽法分守河東道山西等處  
提刑按察司副使兼布政司右叅議年家侍生  
畢自嚴謹以牲帛庶羞之儀致祭於

明故行人司行人鶴朋王老先生之靈曰嗚乎  
生而逝夫誰不然惟君之遘有淚迸泉

繡幃勝日  
流急水青管生香一試驚人棘  
首主盟亟稱名齊北斗弱齡甫踰華榻高登扶  
搖勁翻北海搏鵬再馳金泥杏園榮宴洪照丹  
霞拔旗

御殿掄魁兩榜世罕其儔長途萬里發軔遨遊聲  
徹

九閣遴充

帝使職任四方交拔玉趾揚

綸秦楚兩履周行豈徒不辱

君命寔光先是而翁皇華捧節委蛻於君慶流仄

飀青雲黃甲相繼崢嶸輶車旌旆父子大行曰

瓌曰頽同居禁筦坐取隔屏衣鉢克續西平有

子俱羨三槐詫傳濟美昌運聿來云胡倏焉君

先朝露疑記玉樓迺吟鵬賦痛君之父三號延

陵千秋亭下懷抱曷勝痛君之年閱世其幾玉

樹方依招魂忽啼遺室冰檠遺孤結童道路聞

者揮泣叢綬余與而翁曲江分箸叨後河中株

守區署  
梯總帳寄爵未臨珠沉星暗卓惜味

漢白羽... 陳一奠惟靈有知鑒茲誠薦  
饗

祭太學生王念吳親家文

維 萬曆四十四年歲次丙辰九月己巳朔越  
六日甲戌

欽差洮岷等處兵備陝西承宣布政使司右叅政  
兼按察司僉事眷生畢自嚴謹以香醴庶羞之  
儀致祭於

明故太學生念吳王親家之靈曰嗚呼造化陰陽  
之氣注結為人氣有修短人有壽夭固不能盡  
登於菴考... 命第德非淳習... 卓出則人亦

視爲代謝之尋常而不必號驚於蒼昊矣夫我  
親丈念吳公者懷瑾握瑜合百美以具臻一旦  
騎箕尾而遊蒼溟之野其孰能禁雨淚之繽紛  
公生貴介而不驕也抑々乎折節撝謙之是循  
席富厚而不侈也兢々乎惡衣菲食之是親蚤  
承庭訓從明師資益友沉酣詩書翱翔芹泮一  
時共羨文彩之璘珣晉遊太學觀光上國行且  
受簡銓衡贊理民社以盡展胸中之珍頃以歲  
之不易百口爲累羨藜飯糗日夜拮据而非義  
非道一介不取識者信其樂道以其貧嚴也里  
閭密邇臭味比隣締之金蘭聯之婚姻歡然莫  
逆握手論心一切令節聚會勝地登臨非與公  
相隨於杖履則無以滌鄙吝而營幽襟方將訂  
盟白首結社烟霞以自附於歲寒之松筠胡天  
不弔年僅知命卧未浹旬曾膏肓之莫救一旦  
繭浮景而上賓匪直葭莩之輩盍簪之侶願贖  
以百身即鄉邦父老村落愚民莫不惜仁賢之  
寥落而歎喟西氣數之屯鴻呼此固士民之公

慟而猶未及乎一家之酸辛公兄弟四人仲以  
文學早逝伯方借途弁冑殫力疆圉獨公與季  
平野持門戶而奉明禋今平野既以夏仲捐館  
而公復以秋仲不祿未及百日而雙珠合璧相  
繼而沉淪或謂公友于之篤愛弟之深蓋自雁  
行凋謝而公固已脉脉而傷神是徵公之高誼  
貫於金石雖歷百世以如新嗚呼北堂榆景誰  
供其醇藐孤穉齡誰實撫馴遙望仙里徒見夫  
二難之長夜諸嫠之夕晨不覺抱恨於西州興

歌於薤露令人迴車而霑中茲值五七言屬之  
莫計與公永訣而長分嗚呼哀哉尚

饗

祭張座師惺字先生祭文

萬曆四十二年歲次甲寅四月癸未朔越四日

丙戌

欽差協理糧儲監督鹽法分守河東道山西承宣  
布政使司右叅政門生畢自嚴謹以香帛庶羞  
之儀致祭於

明禮科都給事中惺翁張老座師之靈曰惟靈系  
衍青陽鍾靈大澤秀穎超特魁梧翕赫厉志董  
惟格心文石執激芳滋詞傾瀝液溟風九萬高

騫勁翮柳汀濡衣

明庭首策釋褐北海雙凌玉鳥三異十竒耀熠方  
冊爰以文雄棘塲秉獲惟余無如濫叨齒籍百  
年知己遭逢匪易鑪錘之恩戢深肝膈課政獨  
郵升華諫席連有佚才論思朝夕皂囊飛霜士  
人褫魄封事十九靡所中格眷惟

簡命有加無數督踐河功閱戎疆塲所在有聲策  
勲指顧逶迤青蒲愆遠必摘峭直難容歸休巖  
宅抱甕灌園屨扉謝客下上千秋婆娑圖藉理

域名宗詞林大赤禪海斗瞻中朝石畫疇其舍  
諸而容晦跡疏薦螽午剡其盈百

廷議大推蒲輪咫尺胡以岱游溘焉長適梁木云  
推行人嘆惜令子翮：隋珠和璧為龍為光邦  
家之碩孫子雲仍笏袍林積世萬斯傳家声鳥  
奕綿：流慶永茲華劇追惟往事淮陽之役伊  
通扮瑜時承音驛軫及先人遙將束帛寶珠之  
惠光生楸栢川山阻脩音問曼隔報乏洎織中  
懷眷：吁嗟哲人可戡悲嗟猥緣株守未遑夢



馮齊酒載羅丹鷄載炙代力告虔庶幾不射尚  
饗

祭侍御審忠門暨元配張孺人文

維

崇禎十年歲次丁丑二月辛未朔越二十八日  
丙申年家眷生太子太保戶部尚書畢自嚴眷  
年弟南京戶部廣東清吏司主事畢自寅年家  
眷晚生庠生畢際竑官生畢際壯監生畢際彥  
官生畢際有門壻庠生畢際奇謹以剛鬣柔毛  
庶羞香楮之儀致祭於

明文林郎貴州道監察御史忠門審老親翁暨

勅封孺人甯母張老夫人之靈曰五倫惟君親為  
大百行以忠孝為先儻其敦篤乎斯道固宜食  
報而享乎大年迺造物者忽奪其筭徒令人淚  
涔淫而不禁歆搔首而問諸青天也惟公夙鍾  
靈異蚤負奇特既穎脫乎深水之湄遂群空乎  
冀野之北始綰綬於花縣兮爰柔嘉以維則庶  
驕懷賄之泉清辨掩雲之石催科有撫字之仁  
聽訟無鷹鷂之擊此何暮之謠方來而已殷去  
後之思沒世而無斁也繼簪筆於蘭臺兮乃嚴


毅而孔武幾觸邪之豸冠把擊貪之繡斧捧簡  
而宵小魂搖理輪而豺狼首頽此建祠之䟽媚  
璫者凜慄虛平之議懷王者鼓舞也若乃以甥  
而嗣舅事實處其兩難公委蛇以盡禮誼不負  
乎二天拜表陳情既以甯而歸甯捐貲立後復  
以韓而繼韓

綉綸兩光乎泉壤水木各循其本源公之於斯際  
也可謂艱難以矢報委曲而圖全者矣嗚呼揚名  
顯親兮既即忠以成孝正色立朝兮仍移孝而

作忠賢佞殊途兮悉披赤以入告生成異地兮  
總馳

恩而顯榮是當俾爾熾爾昌食純嘏於無窮夫何  
驂騮方騁而忽蹶其追風之足干鎔甫試而頓  
挫其切玉之鋒也於惟孺人載篤之祐媚厥姑  
而襄其葬既以婦而為子撫諸孤而督之勤又  
以母而兼父方謂公雖歿矣仍有如公者存乃  
復奄兮忽焉繼公而不祿也嚴等夙緣不薄識  
荆自蚤追昆季之周旋念葭莩之世好悼哲人

之云亡痛不慙於玄昊能無奠清醑於素幃零  
涕淚於丹旒乎尚  
饗



發魏科農家侈蓋藏唐賈豐財賄民無才屬材  
各得所廢不負此邦士庶竭誠祈禱之意而待  
臯茲土者亦與有榮光矣至于昔歲享賽曾弔  
五邑伶人議停已二十年比者該州人文物力  
稍遜于前以故士民鯁然以禮樂之不具為  
愍闔詞來告惟嚴愚昧仰體明神端莊靜直  
之德與夫不忍勞民動衆之念仍照近例停止  
徵發明神有靈尚鑒鄙衷如以為簡嚴實任  
之慎勿遷怒士民而靳之景福以孤此輿望為也

洮岷謝雨祭文

維萬曆四十五年歲次丁巳七月癸亥朔越  
十四日丙子

欽差整飭洮岷等處兵備兼理分巡屯田驛傳陝  
西布政司右叅政兼按察司僉事畢自嚴謹以  
剛鬣柔毛庶羞之儀敢昭告於

本郡城隍暨風雲雷雨之神曰乾坤清寧變化陰  
陽民生所賴

國脉攸張惟岷雍徼土瘠民涼當茲秋孟旱魃為

殃麥豆告隕人心徬徨嚴承乏茲土集叩  
穹蒼天心仁愛頃刻降祥雲騰黓、雨注洋、瑞  
應鶴埵舞合商羊宋苗勃興周澤洽長倒懸埵  
解黎庶懽康俯循何德上格

玄黃 神實默佑俯鑒窮荒感而遂孚丕著靈光  
禱之即應大禪宗禱願

神終惠惟時雨暘阜民裕

國邦本末昌尚

饗

祭安葵明寺少卿祭文

緝 崇禎六年歲次癸酉九月庚寅朔越二十

二日辛亥前任光祿大夫太子太保戶部尚書

眷年家弟畢自嚴謹以香帛庶羞之儀致祭于

明中憲大夫太僕寺少卿葵明安老年翁之靈曰

惟公鍾英淄水毓秀黌陽生平樹立休有烈

光道與時陟德為世師處負管樂出侶臯伊兩

掇高第芒利太阿三宰劇邑所至謳歌聲聞

當宁

御榻書名旋膺

特簡蔚為國禎栢府森：豸繡燁：補衮弘功繫  
天大業時事屯艱輿情錯愕虺蝮當塗海寓董  
灼我公直節砥柱中流持斧三晉不競不綵  
激揚無私夙夜匪懈計典公平遠邇共快哲人  
高蹈倏焉遂初怡情枕漱蜂蠆祛除風波叵測  
掛誤蒙諒在涅不淄咸諒厥志人惟求舊

天子是毗隨車甘雨赤縣繫思典型巍然崦嵫攸  
慨邦彥國珍

賜環罔待海涸浩淼岱削嶙峋朝隕梁棟野鮮松  
筠家季邀榮叨附榜末誼托金蘭有懷若渴居  
平砥礪道義相扶欽公才品商璉夏瑚會嚴  
府辜困頓請室我公聞之潛焉涕出曾幾何  
時修文告凶莫獲走哭淒慘填胸束帛陳薦望  
筵致哀神其不昧鑒於夜臺尚饗

祭南京民部畢奎臨文

維 崇禎八年歲次乙亥七月己酉朔越二十

有六日甲戌宗生太子太保戶部尚書畢自嚴  
南京戶部廣東清吏司主事畢自寅宗弟官生  
畢際壯國子生畢際彥官生畢際有謹以剛鬣  
柔毛庶羞香帛之儀致祭於

明奉政大夫南京戶部江西清吏司郎中奎臨畢  
老宗丈之靈曰嗚乎奎臨其儂逝乎果如道路  
之所云追念公之生平尚宛如即乎其入初公



之掇魏科也有侈其榮炫耀揮霍乘傳而行畫  
錦為樂乃驟車可僦而驛不可虐同籍三百人  
孰與公之敦樸繼公之令武清也有怙其權恣  
睢輾轢攘田為功國稅以匿乃印鞞可投而民  
不可厲同時數十令孰與公之清執為令則一  
意拊循兮主計則惟國課是問革羨耗以無遺  
兮却常例而不近筦銅差與九庫兮惟皎皎以  
自信譬彼孔令之於姑臧兮身處脂膏而不自  
潤深懼夕照之易沉兮思承歡於北堂乃值王

事之靡盬兮卒將母而不遑痛報劉之無日兮  
愴雞骨以支床困二豎於膏肓兮竟乘白雲而  
入帝鄉憶同源以分派兮雖時異而世疏每寤  
然而愴歎兮念生民之厥初昔公從事於上谷  
兮既季弟範九之群居洎擢計即於留都兮復  
仲弟畏甫之軒渠會余忝總計於南北兮每部  
務題覆之司存公如候雁之於長兮又如行葦  
之於根迺畏甫既左遷以來歸兮余亦被罪以  
返乎園林竊心與口其儀圖兮尚期把臂以皮

襟胡彼蒼之禍吾宗兮乃殄瘁之踳臻前者既  
奪吾範九兮今又不愬遺一奎臨登其堂而不  
見兮忽淚下以泫淫奠嘉粟乎昔酒兮蒐髯其  
居歆尚饗

祭武進丞韓慈宇文

嗚呼江河日下風會倒瀾習俗移人何論後先  
樹基植品孰居其端維我

親翁鳳翥鸞騫肝衡千古砥柱中原神以撼搖  
而增玉骨以鍛鍊而益堅壯齡筮仕贊政江南  
三載勤勞九膺薦剡信陽喬轉拂衣東還清風  
兩袖行李一肩追蹤古人彷彿昔賢年未五旬  
方娛林泉胡天不愬俾佳人寰竟二豎之見困  
而塵緣之棄捐知者莫不痛悼聞者莫不悲酸

豈造物之修短有數而至人之去來倏然抑朝  
聞之可以夕死而大年之縮為小年余誠於我  
公之捐館而不禁其哽咽反覆驚怪欲問彼天  
為淫為善自媿自妍誰懸其鑑誰秉其權豈意  
如公之積善而曾不能以久延為公惜者謂其  
年不配德若餘未竟之業為公慰者謂其家有  
餘慶實擅多福之全森：桂樹業媿美於荀氏  
之八龍璘：玉荀殆遠跨乎陳氏之諸難子孫  
競爽振翩翩：芝蘭統膝靡一不完是真縣寓  
之罕見而何不可以瞑目於京原嚴等葭草親  
暱跼慕情專猶子際茲彩絲是牽痛儀形之既  
邈恨瞻望之甚懸敬陳牲醴用致悵  
英靈不昧降鑒几筵尚饗

奉

入詩集訖

明誥贈資政大夫兵部尚書前督理遠餉巡撫天

津加二品服俸兵部左侍郎兼右副都御史凌

翁翟者年臺暨元配凌去詩封淑及翟母謝淑人合

葬淄源五福山之陽絕輓詩旬十章百

清朝鷺序幸追陪取次抽簪罷病回時事頻驚

滄海變故人空憶斗山推

老成東國嘆彫零差賴西河有典刑正是霜後

風雪夜那堪璣露濕空庭

杜棹悠々河漢遊倦來丹壑欲藏舟何人夜半  
孤帆去嘹唳空聞天際留

躡屐飛鳧北地偏皂囊白簡自翻々風來廣莫  
玄塗閉易水蕭々若哽咽

狼豕盧龍橫作群獨啣鎖鑰鎮津濱瀾翻瀚海  
平如鏡舵接江臯屯若雲

濃濟峯前大出師漢軍騰飽需度支只今丹旄  
紛紜出猶似當年破虜時

忽驚熒惑接三台

明辟應憐濟世才千載忠魂箕尾駐一壇俎豆日  
邊來

君恩惜逝晉元樞赫奕

綸音動九衢暈月妖雲方吐焰英風浩氣欲吞胡  
黃壤新經起部營龍葱瑞氣護佳城延平津化  
雙龍劔貝闕天空兩鶴笙

百歲隙駒滿大千阿誰含笑過重泉鄰哉自幸  
無餘蓋向也寧啣未了緣

緝

崇禎五年歲次壬申九月庚戌朔越二十二日

丁巳太子太保戶部尚書畢自嚴謹以劄鬣奏

毛庶羞香帛之儀致祭於

文

**皇明**誥封一品夫人溫母嚴老夫人之靈曰

維嶽鍾靈篤生元棊天立厥配榦茲黼宸爰相  
我公百辟是式斟酌元氣時幾共勅夙欽闡政  
優若朝典令儀翼、右訓克戩柱石在堂庭玉  
相輝君子脩美惟福之歸惟公攸賴內顧以寬

有袞衣兮朝野載歡適際時艱公勞揆席泚德  
倚閭雞鳴寄惕泰交有象千羽漸格六宇舟霖  
內德尤貺績著旂常虎拜秬卣嘉迺賓饋龍章  
既迺翠加匪賁明順呈祥詎旦奭篋而斬寵章  
承順厥家協和廊廟譬彼姑射噓吸六徼萬靈  
之母嵩喬所依人兆歌舞宜天弗違胡迺溘然  
輝藏婺女凰返璇臺訃馳燕土

帝曰伊輔實藉碩人蘭玉忽摧臭水同辛詎無

鳳綵貴於幽宮脫替贊祀伊誰之從某等蔭荷

弘旃班陳未造憫茲懿軌五內嗟悼涕洒金臺  
緣慳執紼哀逐駢雲慶占浮玉商衡虞典燈續  
相門內則發祥有赫後昆 夫人休哉黃扉世  
啓翠翹來遊爰粲其齒尚 饗

祭大司馬王零字繼母路<sup>太</sup>夫人

祭文

嗚呼邈懿徽于前脩訊內則于女史履景行以  
生嗟望高山而仰止孰佩蒞而紉蘭孰崇約而  
戒侈唯碩人之弘烈毓名閨以開祥方月樣以  
布曜亶玉質而金相既貞淑之性成爰媿美於  
齊姜方太公之失燕婉難為嗣者之徽音亦既  
嬪止克謹婦歲乃賓饋饁如鼓瑟琴視美舊特  
異形同心其於閭樣猶易室而相授遂使君子  
若未嘗乎亡偶事定委裘無駭蒺蒺是岱嶽之



所鍾而坤道之所厚卓執司徒戮力宣猷撫熊  
繹而為伏波握鞭箕而為鄧侯誰其尸之以無  
內憂唯有司其莞鑰斯坐收夫經綸咨貞符之  
既協翳靈貺之攸甄掩姒姪之遐軌應五百之  
昌辰啓元公而邁跡作梁棟于四朝晉璇樞而  
掌九伐建龍德而統嫖姚肆乃外夷喙伏內難  
潛消晉三公而稱傳行胙土而分茅於是太君  
燕喜鶴髮丹顏庭森玉樹座擁菜斑介千齡于  
海上脩五福於人間若將記蓬萊之清淺涉瀟  
水之潺湲胡爰霜之肆虐報秋萱之遽折元臣  
樂泯庶庶泣血嗟夜臺之永閉嘆履綦之影滅  
忘介嘏于長年睇玄雲之若結將使哀音上徹  
帝心震悼召太史以屬詞命司空以擇輿酌天德  
於彤庭揭金書于素旄惟備物以酌庸亦作忠  
而廣孝嗚呼世界缺陷第祿難諛哉夫顯而子  
貴哉生榮而歿哀惟太君之亶備徵一善之弗  
階矧夫子舍凝和孫枝衍茂紛玉珥而瑤環亦  
麟角而鳳珠為

聖世之休禎作名家之永佑嗚呼太君已矣何悲  
但杞憂于今日當獫狁之未夷賴司馬以臨邊  
禁胡騎之委蛇倘少需以時日肯貽慮于垂衣  
胡風木之不寧飄大厦而誰支此

宸旒之所睠顧而有識之所同咨嚴等情深素梓  
誼切蘭孫附季公之鴈序登元公之龍門分應  
登堂而展禮能無聞訃以銷魂悵德音之既杳  
恍懿範之猶存上以惜國事下以痛吾人迴鼠  
思于胸臆洒清淚于江雲遙申哀于楮素托明

信于藻蘋嗚呼哀哉尚饗

祭張母焦太老夫人文

於唯夫人嫜節天成如璧斯璞若金在型嗣配  
封翁匹以一德壺政克襄其儀不忒有鶴其雛  
唯中丞公早歲脫穎製錦花封入司封駁氣節  
嶽：秉正嫉邪屹不可奪

帝心簡在晉陟月卿風高罔牧望繫群情睽此江  
漢南國之紀豫圖填撫節鉞是倚脂車適爇牛  
酒閭門夫人胡為鶴馭遽賓嗚呼哀哉唯昔中  
丞生而失恃元公開府友于情至是撫中丞陸

漸鴻羽身建

綽綸歿封鬣斧中丞抗疏臣實有親立繼父嗣以

奉二人唯

帝曰俞其樂融：封翁無祿修而乘風顛奉夫人  
慕以五十潘輿菜舞度幾永日蟠菹正熟瑤池  
信摧彩衣蒙雪五內為摧嗚呼哀哉孰似夫人  
六珈澤首五釜滋口孰似夫人身出素封享視  
千鍾孰似夫人題輅黃腸給之 尚方孰似夫  
人以婦寔窈窕萬妾赫奕實唯夫人生而令淑賦

質春溫貞心桂馥實唯夫人行則有章筐篚無  
怠珩佩有鐙夫人之才允為女史陳圖稱詩以  
相夫子夫人之性既肅且仁哀惻惠寡靡問踈  
親以此懿徽宜爾後祿百慶是集五福駢足生  
榮歿哀亡而不亡孰是缺陷為母哀傷所可傷  
者 國步斯艱補天浴日責任大賢乃以風木  
奪我巨公誰與濟世丞丞也無戎嗚呼哀哉嚴於  
中丞交元莫逆處則同里仕則同籍暨弟寅肅  
偕勤仰止彈冠之志戮力相夫驟聞訃音令人

悵絕為公痛母為公憂 國轉輸車却行歸未  
期先之緘詞以奏總惟靈兮於昭猶不遐棄少  
遲雲輶鑒此片志尚 饗

祭王母蕭太老夫人文

嗚呼古稱共姜亦曰文伯彤管流光副禕作則  
於唯孺人其頌孔碩昂族發祥璇閨育德明姿  
月朗姮節天成施襟結禱藉甚芳声相攸名門  
奕世篤行展也君子好述是賡鷄鳴警夜蘭膏  
嗣燠脩髓中饋蒸嘗苾芬娉娣服義減獲推仁  
寧以縞衣而羨如雲薪屨烹伏寬公於讀茹荼  
甘苦以有旨蓄琴瑟靜好天子第祿二難挺生  
聯珣齊馥長公鶴舉天衢翺翔兩宰劇邑單父

桐鄉碑則墮淚蔭有甘棠駸瑣閱忘者中傷  
一歟即奮司李孤竹內平肺石外固疆圉蒲鞭  
無冤巖塞飛芻

帝心克簡輿望交屬奚其為政孺人聖功愛之能  
誨則以其蒙倘竟厥施以靖畿封胡為鶴駕不  
少從容嗚呼哀哉其在世法難得者年母年八  
旬曾無後艱胤祚難必而嗣復登仲也如麟孫  
枝翩：身承

帝命德音孔嘉象服有耀冠鳳披霞代終報命靡  
僭以差生榮歿哀云何其嗟唯是漆室憂在邊  
鄙長公瓌材揮霍伊始需以時日大績用底中  
道而返國是誰倚其在氓萌戶哭巷走其在  
當事失左右手天如祚我何不祚母獨不憖遺  
孰任其咎嗚呼哀哉嚴昔少年北面封翁幸附  
葭末交歡長公借箸助勦以玉我躬同舟宣力  
得效朴忠肅辱門楣夙欽圖像蘋藻有相實唯  
教慈事母則母祝母維祺庶幾百歲膝下是依  
大化一遷已矣莫留共此啣恤豈夷所謀緘詞

酌水涕泗交流何以慰母無疆維休嗚呼哀哉  
尚饗

祭誥封淑人李母 太夫人 文

嗚呼鶴起青田鳳產丹穴天開名世必先女傑  
嗚惟夫人方古碩媛毓秀儒門作嬪名賢永統  
縞潔穀璧純熙享祀以虔厥衷則慈大翁抱璞  
資弗逢世毋謂鹿門乘軒何覲有馨者蘭將大  
而宗司徒奮起附鳳攀龍望即聳譽好藩作表  
兩轄洪都入尹京兆世仰司徒如山如斗雖則  
羨方聖善自母賜履大東盡起瘡痍曾不三載  
王於興師度支旁午邊塞呼庚爰借鞭美以佐

地鄉司徒曰吁敢弗盡瘁水輪陸輓夙夜不廢  
帝曰勞臣無誇此咄弼教留京孺慕再睹司徒歸  
止斯皇朱紫赫：尚書戲則菜子太翁鶴繡夫  
人象服丹顏白髮飛仙在陸

帝念司徒曰予鄴侯趣掌邦計以分旰食司徒抗  
疏桑榆愛日夫人曰否戮力王室吾二老人寵  
渥踰分庶竭股肱無隕厥問司徒脂車海宇踰  
切詎意肅霜秋護告折嗚呼哀哉屬續之辰慈  
闈反顧戒爾重臣勿徇老婦司徒痛劇五內故

分難必者天不待者人

帝眷不置綸音日麗司空予葵宗伯予祭懿鑠夫  
人於何不減五釜五加備極倫常其在世法靡  
有遺則合誄成頌云胡悲惻所可惜者天步迤  
邐胡為風木奪我名賢若曰南溟六息之遞其  
在於今無俾共濟嗚呼豫章濊澤齊魯棠陰惟  
華與嚴戴德銘心嚴領轉輸從司徒後津撫之  
節華從嚴授後先步武誼比壘麓肝膽肺腑吾  
黨獨私視毋猶毋微音仰止訃問遙聞涕泗曷



已為國需負為負痛母畏此

簡書莫躬祭酒不興信明聊薦豆登尚佑司徒為

王作朋嗚呼哀哉尚 饗

祭詹母太夫人文

濬源洞源尊堂

自古豪傑每由母力三從而後和熊畫荻孰如  
夫人幼稟內則訓子亢宗發祥令德令德維何  
伯乎仲乎延津二龍丹穴雙雛聯翩霄漢稱二  
丈夫如連城壁如照乘珠已借才諳先後剖符  
神明冰檠在蜀在吳遡厥所自其誰式教母之  
卻鮪清風可沐因啓嗣君掛床留犢

帝曰賢哉綸錫溫煥奕々魚軒煌々象服尋共秉  
臬霖雨九牧伯治我齊尤所露覆絃直冰清民

恬吏肅濟西百城無不尸祝非有慈誨孰視我  
福萊袖潘輿勿替後祿胡然仙逝霞觴不復鳴  
呼人苟有子雖歿猶生矧有兩賢為國干城將  
來槐棘報効

聖明麟閣雲臺崢嶸齊名諸孫國寶為雄為英衍  
慶門祚百世猶馨考終昌後返於太清太清道  
遙霍馭雲輶上元金母繽紛來迎自嚴宦從伯  
後猥勤倒屣既叨優渥不獨宇庇伯去我東旬  
宣閩地衮衣在望登堂可俟詎意聞訃銷魂曷

已德音不再奠以江芷陳辭叙心庶其來蒞於  
乎尚饗

祭太孺人楊母<sub>文</sub>文舊鹽院楊景明母

先民有言女智稱婦於鑠母儀式穀爾後為髮  
揚陶和丸助柳聖善著聞象賢灼茂皆有令名  
並垂不朽進而范民令德孔厚喜聞平反不然  
則否復隻千秋賢哉雋母維我太君與之媿偶  
莞簞開祥藍田種玉啓直指公半裁趲趲器軼  
琮璜品高瓊玖白蘭簡皂囊折衷好莠臣佞抨彈  
君非繩糾望重埋輪風清解綬往晉歲凶戍仍  
于酉蘊隆蟲百錢一斗虜方跳梁士無備楨庚

癸幾呼共危封守鹽筴所關軍儲待阜

帝命公行曰代予狩內顧尸饗超超且久夫人戒  
之即西馬首第為國籌無念我滌公不敢違馳  
驅四牡至則賑荒補天妙手鞭笞通商寸心欲  
嘔地上錢流無脛而走塞下灌輸兵食滿口迺  
遣使郵為夫人壽夫人語公亡啓後咎求肩一  
心勿求釋負搯臂齧指於我何有公悚聞之再  
拜以受所以踰仄去未敢苟心動欲還帝閣方  
叩告急連章納約自牖亡何報聞施命于垢歸

省有期大齊黃耆祝頌有辭冰桃雪藕胡不少  
須婺星隕隄民映屯膏天凝豐蔀某等具員怡  
堂是徂厦屋恉懷亡使滋詬皆賴嗣公滅其所  
醜波及之源敢忘川數恨繞蘭堦悲纏蕙畝遙  
虔總帷灸雞絮酒神之格思如在左右尚

饗

祭高母勅封太孺人文東溟尊堂

繫斯文之肇啓兮有開必先呈寶婺之嘉祥兮  
坤順維賢展女士之貞淑兮備四德於笄年婉  
孃以相交夫君兮類賓敬於奠田佐祀事之孔  
明兮采蘋繁以潔蠲秉肅雍而宜家兮宵旦維  
虔和熊丸以提策兮式穀三遷會黃鵠之飛騰  
兮雲路高騫甫製錦於巖邑兮藉甚聲傳逮報  
政以貶封兮荷

綸綽之褒宣喜庭除之鳴鳳兮綵衣與命服而爭

研乃徵書之南下兮列烏府之鵷聯持使節於  
三輔兮操履冰堅繼循行於豐沛兮廓清狼煙  
英聲載滿於朝宁兮靡非母氏之福筮謂偕夫  
君以齊眉兮御潘輿以便旋覲二難之競爽兮  
享祉福而攸全胡颺塵之忽起兮瑤琴遽斷乎  
鷓弦夫君含戚於子荆兮令子致憾於終天自  
嚴忝戚屬松蒿纏綿茲叨量移取道澧川臨風  
薄奠薦以寒泉芳靈如在蒞茲几筵尚  
饗

勅封孺人  
祭高母趙老夫人文

維萬曆三十五年歲次丁未九月辛卯朔月  
祭日戊午

欽差整飭淮徐等處兵備兼管屯田河道海防水  
利河南布政使司右叅議兼按察司僉事眷生  
畢自嚴謹以剛鬣柔毛庶羞之儀致祭于

明勅封孺人高母趙老夫人之靈曰坤道無成婦  
德類焉坤道資生母德類焉吁嗟孺人此邦之  
媛葆光婺曜聖善獨全紉蘅蘭以為佩辯明月

以為環早結禱於明哲洵匹休於伯鸞克紹於  
於前響鑑內則之遺編既上堂而愉、將魚菽  
以竭歡亦下堂而煦、普慇懃於雛鷓性同布  
穀之均愛豈戒單衣于閔騫相龍德之君子薄  
風雲而蜿蜒垂樾蔭於兩地飛雙鳧於

御前作

皇家之耳目補

袞職于罔讐鳴朝陽之瑞鳳陋棘木之寒蟬慨澄  
清以攬轡歷四國而來宣秉文衡於畿輔植桃  
李之芳妍晉棘寺之崇秩儼台鼎之在前匪師  
憲之內助疇與佛夫仔肩繫惟孺人兮坤道斯  
兼婦德母儀兮允也稱賢受

帝嘉命兮夫豈偶然宜其象服兮翟第文軒諸難  
嶽、兮文鳳聯翩厥終綦厚兮厥始既虔謂宜  
偕老兮配此彭錢柰何耄耄之未臻兮遽一疾  
而莫痊想總帳之尚溫兮謇歸窆于九原嗚呼  
萬形有盡不朽者存孺人令德昭假旻天帝蒼  
既受世澤既綿固將垂萬禩而靡湮兮又何讓

冥靈之大年聞靈輻之將駕兮聊遣奠於故園  
惟靈有知兮庶幾慰藉於栝棗哀哉尚  
饗

祭曹少司空尊堂高太夫人祭文

維萬曆三十七年歲次己酉四月壬寅朔越  
十六日丁卯整飭淮徐兵備河南布政使司右  
叅議兼按察司僉事舊屬門下晚生畢自嚴謹  
以剛柔庶羞之儀致祭於

誥封曹母高太夫人之靈曰驪珠照乘藏媚於淵  
鳳雛五彩德輝必先天挺英哲豈伊偶然於惟  
太母世德發祥天釐女士啓佑無彊蘅蘭為佩  
明月為璫上方任姒下掩敬姜克相封翁式敦



大義奮跡賢書文林赤幟處為人傑出則國器  
一代大儒道脉攸寄篤生明公蓋代賢良風雲  
振翼霄漢翱翔清風天植峻節凌霜馭歷中外  
所在騰芳馮夷不化遐邇驚咤

上簡明德河濱鼎藉畚鍤雲集拮据夙夜百年狂  
瀾滔々東射朝野頌功不在禹下

帝曰念哉爾勞且久賞錫玄圭恩賜令母曷以酬  
功掄言不朽鶴髮龍章亦榮亦壽々母燕喜介  
福未央既綿善慶亦集繡裳履豐若畱處泰匪

康何為奄忽寶婺宵隕壺範云亡筭幃曷準明  
公洪施汪洋靡畛竟以內艱遽令還軫士民悲  
慟錙肝鏤腎不歌不相郊圻同憫卧者填轍輓  
者絕鞞嚴叨下吏待臯席麻既荷拂拭復稟嘉  
猷獲追大疾獲展寸籌繫公巨范實母遺休先  
慈無祿蚤罹幽憂不謂太母亦驟鸞遊故園聞  
訃涕泗不收苦塊侵尋蕪詞未修倏踰媵臘德  
深罪浮茲將炙絮灑血千里不腆生芻聊薦芳  
芷太母有靈庶其鑒止尚

餐

祭河東楊益臺尊堂文

維 萬曆四十二年歲次甲寅正月甲寅朔越  
六日己未

欽差協理糧儲監督鹽法分守河東道山西等處  
提刑按察司副使兼布政司右叅議畢自嚴謹  
以剛柔香帛之儀致祭於

明勅封太孺人楊母老夫人之靈曰嗟嗟太母著  
於柱史柱史名成人欽賢妣賢妣之系出自高  
門貞淑秉德大家比論克相太翁宜家譽起太

翁聞人實天作比作比維何人亦曰鳳凰采比  
翼合綺為祥麟育柱史嶄嶄超邁和丸以助斷  
機示戒柱史象賢早歲含芬秋魁高掇鵬翮青  
雲再拋白紵金泥姓字春滿天街花迎駕駟鳴  
琴畿內玉壺寒冰壺觴調咲聲望峻增逮

召栢臺特寄耳目驄馬風生高旻氣肅代狩三秦  
嶽撼山搖法星爍爍白筆矯：瞻茲敷歷孰非  
母訓訓彰滂母易書足韻柱史純孝居守翁喪  
久離鷓鴣

上注徬徨方起除禫急促攬轡太母榮養鼎烹適  
備母胡仙馭倏而乘雲柱史攀號遐邇悲聞逝  
望黃壚封土復開馬鬣合璧野鳥同哀自嚴謬  
叨使命持節河中幸交柱史道義淑躬母儀非  
遙恒切瞻佇素悻寂矣徒深悽楚生芻一束雙  
鶴是將惟靈不昧俯鑒惘腸尚  
饗

祭耿省亭太僕尊堂文

維萬曆四十四年歲次丙辰九月己巳朔越三日辛未

欽差整飭洮岷等處兵備陝西承宣布政使司右叅政兼按察司僉事年任畢自嚴謹以香帛牲醴之儀致祭於

明勅封太安人耿年伯母許老夫人之靈曰惟

靈賦德懿粹秉性淑貞冰清玉潤婉婁天成爰相梁鴻青氈雅操燃藜侍櫛機杼匪勞既潔蘋

繫亦動蓄旨丕振家聲無違夫子曷不肅雍嬉  
美齊姜宜爾振、螽斯發祥婦德允備母儀攸  
章和熊畫荻訓子克昌昌後伊何伯乎仲乎延  
津二龍丹穴雙雛伯薦南宮翱翔侍御望重埋  
輪風清黎庶尋陟藩臬霖雨八埏勁節矯、冥  
鴻高騫仲繼其後鵬搏萬里剖符畿南神明共  
企召為直指丰采日皦白簡抨彈皂囊繩糾屢  
承巽命曰代予狩絃直風馳吏震民阜典司外  
計折衷好考進賢黜奸補天妙手

帝念所生恩綸頻霽奕、魚軒煌、象服諸孫林  
立絢爛彩筆冢器鵠起箕裘克適銓部鴻名清  
卿上秩簪笏滿堂鼎養愛日用介景福大齊黃  
耆祝誦有詞冰堯雪蕩胡不少須鶴駕迎陟雲  
暗發星虹收丹翻佩掩珠沉遐邇愴悼自嚴年  
家猶子母德景行蒼皇聞訃涕泗交橫遙望總  
帷薄陳雞絮靈應不昧鑒此夢語尚

饗

祭張華東盧老夫人文

天眷

皇家篤生名世運符貞元忠貞鮮儷既誕碩輔乃  
育淑媛式昭壺範如坤承乾隰沃閼闕盧推巨  
宗素封膺仕奕葉豐隆 夫人早歲夙有異徵  
蘭心蕙質閨秀特稱相攸結禱曰嬪

總憲伯鸞德耀千古同論雞鳴交倣志豈在安

總憲壘：學古入官弱冠登籍別業 外馴雉蜚

聲補袞攸賴游登卿席 膺節旄峻望清風休

有成勞在昔

朝端水火未濟總憲屹然中立自誓

聖明御極耆奮是求御史大夫南北宣猷伊傳與  
殷夔龍佐舜鼓鑄百工表率群後筮仕宦成望  
魏泰岱孰為相之有夫人在虔供蘋蘩樸敦荆  
布家政代操憂鮮內顧

楓陛疏榮屢荷

綸章鳳冠霞帔翟服輝煌玉樹森々慈篤屬離觸  
目琳琅箕裘克繼十洲浥露九畹滋蘭壽介海

上福備人間疇非藁砧八座聯班疇乏內助彤  
管稱賢是宜百祿純嘏茂延胡乃朝旭溘焉上僊  
掌故具在

恩卹宜霑 總憲遜膚懿典尚淹松楸鬱々一垓

攸寧修夜弗旦泉臺永扃某等叨附驥尾哀纏  
胸臆白馬素車緋引是執肅陳生芻用表微忱  
神如不昧來格來臨尚 饗

